

Jlöckliche Mädche

Musik & Text Björn Heuser / Verlag: HEUSERMUSIK, GMO Publishing

Philosophe han vill nohjedaach,
janz schlaue Minsche han experimentiert.
Doch wie so off, litt de Woohrheit op der Stroß,
un eins jo dat han ich ärsch fröh jeliehrt:

Jlöckliche Mädche
sinn de schönste Mädche,
dat hätt der Papp mir beijebrat!
Brengks do se einmol zom laache,
dann maachen se Saache,
wo do im Draum nit dran jedaach.

Wells do se bütze musste fründlich sin,
wells do se han, tja dann och intellijent.
De Ruus am Revers es nit mieh zickjemäß,
un nemm bloß kein, die nur drop us es, op dat wat do häs!

Jlöckliche Mädche...

Mädche – Mädche
Mädche – Mädche
Jlöckliche Mädche sin schön!